

河南通志

河南通志

河南通志卷之六十八

列女下

河南府

漢樂羊子妻河南人不知何氏之女羊子嘗行路得遺金一餅還以與婦婦曰妾聞潔士不飲盜泉之水廉者不受嗟來之食况拾遺利以汚其行乎羊子大慙乃捐金於野而遠尋師學一年來歸婦跪問其故羊子曰久行懷思無他意也婦乃引刀斷機而言曰此織一絲而累以至於寸累寸不已遂成丈疋今若斷斯織也則捐失或功夫子積學當日知其所亡以就懿德若中道而歸何異斷斯織乎羊子感其言復還

終業遂七年不返婦常勤養姑兼遠饋羊子嘗有
他舍鷄謬入園中姑取食之婦對鷄不餐而泣姑怪
問其故婦曰自傷居貧使食有他肉姑竟棄之後盜
將欲犯婦者乃先刼其姑婦聞操刀而出盜曰釋汝
乃從吾可全不從吾殺汝姑婦仰天而嘆舉刀自刎
死太守聞之卽捕殺盜而以禮葬之號曰貞節

隋華陽王楷妃元氏河南人平昌郡公巖之女性婉順
初選爲妃未幾而楷被幽廢妃事楷愈謹每見楷有
憂懼色輒陳義理以慰諭之楷甚敬焉及江都之亂
楷遇宇文化及之逆以妃賜其黨元武達武達初以
宗族禮之置之別室後因醉而逼之妃自誓不屈武

達怒撻之百餘詞色彌厲元取甕自毀其面血淚俱下武達釋之妃謂其從曰我不能早死致命將見侵辱我之辜也因不食而死

韓覬妻于氏字茂德洛陽人周大左輔實之女年十四適覬雖生長膏腴家門鼎貴而動遵禮度躬自儉約年十八覬從軍戰歿于哀毀骨立慟感行路每朝夕奠祭皆手自捧持及免喪其父以其少而無子欲嫁之于氏不許遂以夫孽子世隆爲嗣身自撫育愛同已生訓導有方卒能成立自孀居以後親族有就省謁者送迎皆不出戶闔疏食布衣不聽聲樂以此終身文帝聞而嘉嘆下詔褒美表其門閭長安中號

爲節婦門

劉景女河南人適長孫氏之子景仕周封彭國公與文帝有舊及受禪甚見親禮其子居士數得罪帝以景故每原之居士轉恣破其家產景奉養甚薄女孀寡居哀景如此每歸寧躬紡績以致肥鮮後居士坐告不遜誅景亦下獄女每親調飲食詣大理餉父見獄卒跪以進之歔歔嗚咽見者傷之及景賜死於家詔百寮臨視時女絕而復蘇者數矣公卿慰諭之甚女言父無罪坐子以及禍情詞哀切人皆不忍聞是遂布衣疏食以終其身帝聞之嘆曰吾聞衰門之女興門之男固不虛也

唐畢某妻竇氏河南人初畢爲朝邑令會同州軍亂畢
匿望仙里不知所舍乃讎家也夜半盜入捽畢首欲
殺之竇泣蔽捍持盜袂至中刃不解畢得脫盜遂去
竇亦未死京兆聞之賜金帛醫藥幾死而愈

〔金〕程晉妻彭氏偃師人寓居開興壬辰兵變軍士驅迫
使隨彭給之曰我有金若干私瘞于家爾可取之願
以從行賊拘少懈至井彭大罵曰吾良家婦肯自受
其生以汚身耶遂投井死賊嗟嘆而去鄉人號曰烈
婦

〔元〕秦氏二女宜陽人父嘗有危疾醫云不可治矣姊閉
戶默禱鑿已腦和藥進飲遂愈父後復病欲絕妹割

江戶通記 卷之六十八
股肉置粥中父少啜卽甦事聞褒表之

趙彬妻朱氏洛陽人名錦哥天曆初爲西兵所掠欲
犯之朱度不能脫卽給之曰幸釋我舍後井旁瘞金
發以遺汝西兵信之朱得近井卽抱三歲女赴井而
死

王氏女名安哥偃師人天歷間從父避兵却山丁家
洞兵搜得之見安哥色美驅使出欲污之安哥不從
遂投澗死事聞旌表

齊關妻劉氏河南人關應募爲千夫長戰死劉家貧
守節不奪有來強議婚者劉給曰吾二月三日有心
願償畢當從所言是日徑往彰德天寧寺登浮圖絕

頂祝天曰妾本河南名家女夫已死不敢失節遂投地而死

李四妻茹氏澠池人夫早逝茹蘄守節紡績以自養大德五年旌其門

關惟一妻周氏登封人夫歿周年二十四囑工造棺須大潛自縊而死與夫同棺葬之

趙慶妻高氏新安人年二十一慶卒生子幼高躬親耒耜撫育其子以底成立元統三年旌其門年九十而卒

李彬妻張氏新安人年十九夫歿生一子二歲其家憐其少寡欲嫁之張誓不易操有司以狀聞旌其門

曰堅節

明張景輝妻賀氏登封人元末兵起夫死于寇賀流離中抱子俊求夫骨於積尸中幸獲手自聚土掩之及亂定歸登封依弟宏居弟以俊幼諷其改醮賀聞之剔去一齒示不二節洪武初俊任廣陵主簿以事罰工自慙累其母上疏乞免上喜賀守節教子婦道所難特宥復其官俾終母養仍敕禮部榜示天下以勵風俗

江德源妻樊氏偃師人夫卒守志壬辰兵起樊偕舅姑避居潞州躬自紡績爲養洪武初始還年已四十矣舅姑繼歿樊服衰終其身事聞旌表正統初察舉

節孝復下詔褒之

陳忠妻杜氏宜陽人年二十夫卒生遺腹子名復禮
杜誓不再醮奉姑訓子紡績以自給後三十年復禮
舉孝廉任宜城知縣洪武十二年有司以事聞詔表
其門

趙三妻孫氏永寧人夫卒守節永樂初旌表

李保兒妻牛氏洛陽人夫卒守節永樂初旌表

馬瓊妻劉氏蔡致中妻馬氏俱宜陽人夫卒守節正

統八年詔並旌之

劉安妻陳氏孟津人夫卒守節成化初旌表

董安妻王氏洛陽人夫卒守節成化初旌表

郭昇妻趙氏偃師人夫卒守節成化初旌表

董雄妻匡氏洛陽人夫卒守節成化九年旌表

真邱郡主伊府安惠王之女下嫁儀賓蔡昇嘉治初昇卒郡主卽日觸壁而死事聞詔旌其墓

劉傑妻賈氏黎忠妻張氏俱洛陽人皆夫卒守節洪治四年詔並旌之

馬通妻李氏嵩縣人通歿哀毀不能言惟密囑梓人大其棺及殮李入室自縊死

武雲妻王氏嵩縣人夫卒守節踰三十年知府陳宣上其事詔旌異之

王鑑妻張氏宜陽人夫卒哭泣盡哀是夜潛縊於室

鄉人重其節乃合葬之

楊璟妻馬氏洛陽人夫卒守節事聞旌表

曹興妻龐氏媳李氏洛陽人興卒龐守節撫子俊娶
李氏俊又早卒李養姑至孝撫孤彪登正德癸酉鄉
榜御史陸鰲上其事表曰一門雙節

曹昂妻張氏洛陽人正德七年流賊劉六劉七等犯
洛陽被執張不從抱子投壕水而死事平詔旌其門
常自省妻李氏鞏縣人夫卒守節正德七年賊陷城
李自縊死

譚思妻張氏劉麟妻韓氏俱鞏縣人正德七年賊至
並遇害

莊昇妻張氏洛陽人夫卒守節正德中旌表

戴濬妻王氏澠池人濬早逝王欲殉之親族力救乃已會姑馬氏卒王竟自縊而馬氏亦以孀居終身澠人稱雙節焉

王盤妻唐氏河南衛人夫卒自縊嘉靖七年旌表

張廷仁女永寧人許字王自選選以事繫死女聞之自縊嘉靖十九年邑令李上其事立祠祀之

尙鑑妻錢氏河南衛人鑑卒二子在襁褓錢自撫育孀居五十餘載嘉靖三十一年有司以事聞詔旌其門

董維翰妻葉氏洛陽人年二十五夫歿死節直指特

疏其事建坊旌表

閻氏女洛陽人鄰少年強逼不從殺之父母自田歸氏忽附人言其狀父母白縣尹執少年付以法建祠以祀

康流來妻趙氏鞏縣人家貧夫墮水死趙聞之投水越三日二屍同出有司立坊旌表

朱之臣妻王氏鞏縣人之臣卒王年十八縊於之臣側

孫祿妻馮氏洛陽人夫歿苦志守節五十八年

孫相妻馬氏孟津人夫卒守節四十餘年

郭遵夏妻喬氏洛陽人夫早卒守節終身巡按題請

建坊

何宜繩妻金氏洛陽人夫卒氏年二十守節三十餘年訓子成立

常清妻武氏偃師人生子方二歲夫卒氏年二十五遺腹生一子苦節撫孤壽至九十六歲卒

閻和美妻雷氏夫歿氏年十八守節終身萬歷間旌表

王倬妻馬氏孟津人夫歿守節終身萬歷間旌表

李君寵妻郭氏孟津人夫卒氏年十九子甫四歲茹藥和丸教子成立年八十四終建坊旌表

李允執妻王氏孟津人允執早卒氏年十七篝燈紡

績以事孀姑守節五十年萬歷三十七年旌表

董大河妻莊氏宜陽人夫受刑死氏聞之號哭欲絕
竟縊於室建坊旌表

任民妻杜氏盧氏人夫歿氏自刎死知縣黎道美親
往視之奏聞旌表

王守身妻尤氏洛陽人夫歿氏刺指血誓守節終身
陳明榦妻張氏洛陽人夫歿茹苦教子成立

齊鳳時妻孫氏洛陽人夫歿氏年十九守節教子四
十八年

焦一霑妻周氏登封人夫歿遺子俱幼氏與側室李
氏俱有遺腹兩娠皆男氏命乳媪乳已子而自乳李